

The Electronic Manipulus florum

www.manipulusflorum.com

Sacerdos ap cum fonte primo

Sacerdotes

Quocirca, si sacerdotes sancti (non quales illi sunt quos iudicandos atque damnandos comminatio divina pronuntiat, sed quales apostolica doctrina commendat), multos ad Deum sancte vivendo et praedicando convertant; si nihil ex imperio, sed omnia humiliter agant, ac se communes eis quibus sunt praepositi, studio sanctae dilectionis exhibeant, si infirmitates carnaliter viventium fratrum modo verborum salubrium medicaminibus curent, modo quas incurabiles iudicant, patientiae virtute sustineant; si moribus ac praedicationibus suis non suam, sed Christi gloriam quaerant; nec verba ac facta sua in pretium favoris conciliandi miserabiliter perdant, sed quidquid sibi sacerdotaliter viventibus atque docentibus honoris impenditur, Deo semper ascribant; si non inflentur officiosis occurrentium salutationibus, sed graventur; nec honorari se, sed onerari faventium sibi laudibus credant:

si consolentur afflictos, si pascant egenos, si uestiant nudos, si redimant captiuos, si suscipiant peregrinos, si

desperatis spem uenie consequende promittant,

et quicquid ad officium suum pertinet constanter exercent, quis sic erit alienus a fide ut dubitet tales contemplatiue uite esse participes quorum exemplo simul ac uerbo plures fiunt regnorum celestium coheredes? Isti sunt ministri uerbi, adiutores Dei, oraculum Spiritus Sancti; per tales Deus placatur in populo et populus instruitur Deo.

Prosper libro I. de uita contemplatiua.

si consolentur afflictos, pascant egenos, uestiant nudos, redimant captiuos, suscipiant peregrinos; si errantibus uiam salutis ostendant, desperatis spem ueniae consequendae promittant;
currentes impellant, remorantes accendant, et quidquid ad officium suum pertinet, constanter exercent: quis sic erit alienus a fide, ut dubitet tales contemplatiuae uirtutis esse participes, quorum exemplo simul ac uerbo plures fiunt regnorum coelestium cohaeredes? Isti sunt ministri uerbi, adiutores Dei, oraculum Spiritus sancti. Per tales Deus placatur populo, populus instruitur Deo.

Iulianus Pomerius, *De uita contemplatiua*, 1, 25, 1-2 (PL 59, col.439C-440B).